

留壩廳志

詩徵
事徵
異徵
叙



雷壩廳足徵錄卷二

善化賀仲瑛美恆軒

詩徵

鳳州歌

汪元量

鳳州南去是南岐大散橫盤勢更危躍馬紫金河畔路萬枝

楊柳撒金絲

武關

何景明

北轉趨雷壩西盤出武關微茫一線路回合萬重山天地幾
龍戰風雲惟鳥還關門鎖溪水日夜送潺湲

雷壩廳足徵錄

卷二

詩徵

江時用

匹馬馳驅上七盤捫參歷井崙酡顏藤蘿倒挂三千丈瀑布
飛流數百灣殘雪已銷天漢路浮雲不散古梁山如今更覺
巖廊險幾度逢人嘆武關

呂頌

千峰日落武關西宛宛紅橋瞰碧溪野鳥閑花各自在向人
惟有杜鵑啼

國朝 張問陶

世治挾九泥蒼蒼隴樹齊陰崖遲見日高嶺乍聞雞鳥亂青

羊水山危白馬成中原沙河處落武關西

武關寄家書

王士正

驛騎千山裏平安兩字書高堂衰白早兒女死生餘聽雨思
兄弟臨風問起居白頭吟更苦莫負錦江魚

新開嶺

明 何景明

塹山通大谷棧嶺挂天梯獨立飛雲上回看落日低異花千
種色怪鳥百般啼晚就松林宿烟昏渡碧溪

紫柏山歸山詞

趙貞吉

紫柏山前車馬道道上紅塵滅飛鳥塵裏行人不知老竭來

蘭壩廳足徵錄

卷二

詩徵

二

幾度懷山好年少懷山心不了年老懷山悔不早君不見京
洛紅塵多更深英雄著地皆平沈

和前韻

張佳印

還山西走長安道入棧青春聽啼鳥弱冠登朝忽成老杜宇
聲聲歸去好人生何事不堪了直到臘除悔未早君不見七
十二洞紫柏深苦海情爭欲沈

王士性

金牛驅罷柴關道擊轂摩肩疾飛鳥往來行人此中老相逢
誰洗青山好塵難茫茫何日了白首還稱倦遊早君不見粟

里先生三徑深歸來種林任酣沉

張銓

驅車西走羊腸道棧閣凌空疾飛鳥紅顏日向風塵老平生
只愛青山好茫茫世事何日了浩歌歸去誰云早君不見紫
柏陰陰烟霞深人間歲月幾升沉

傅振商

持斧往來秦蜀道流光如箭催花鳥青山不愛遊人老白髮
更覺青山好開籠放鶴久了了竹陰鶴怨歸不早君不見紫
柏山上彩雲深仙人長看世銷沉

雷壩廳足徵錄

卷二

詩徵

三

國朝 趙遵律

溥浪沙橫祖龍道壯士提椎疾飛鳥何如納履圯上老三期
三後喝棒好一卷陰符萬事了藏蕉化蝶悟須早君不見未
央功高鐘室深無雙國士終銷沉

魏壽祺

秋殘策馬山中道山中寂寂無啼鳥有祠山麓獨巍然祠近
四面峯蕪好羨彼赤松共遊人心法傳來橋上老圓嶠方壺
詎可期明哲知幾懼不早但言佐漢功已成誰識報韓志未
了君不見溥浪沙中計畫深祖龍一擊心膽沉

陶澍

十年兩走連雲道蹤跡譬如過山鳥青山却笑人將老顏色
已無當日好學宦未成秦吉了曰歸未能況能早君不見紫
柏山前雲氣深往來輪鐵幾銷沉

戴蘭芬

一鞭南向柴關道過關輕捷如飛鳥白頭但惜青春老青春
不比青山好出塵須待塵緣了神仙亦悔功名早君不見紫
柏山前雲氣深不隨名利俱銷沉

蘇廷玉

雷壩廳足徵錄

卷二

詩徵

四

三年兩度來蜀道看山極目入飛鳥五十三年人將老勲名
事業如何好紅塵滾滾猶未了慙拜功成辟穀早君不見紫
柏山中道氣深千秋舊蹟未銷沉

謁雷侯祠

趙遵律

結客爲韓非爲劉於秦有怨楚無仇入關已了功名念報國
何知富貴謀鬼物曲傳黃石冊仙人巧託赤松遊青羊紫柏
人間世便是封侯也贅疣

王士正

萬木蕭蕭風晝吹深山忽見雷侯祠清流白石從今古雪柏

霜筠無歲時辟穀真從赤松隱授書偶作帝王師也知烏喙
逃句踐未屑鴟夷學子皮

錢載

祠屋近柴關高峯四面環猶傳赤松子相望定軍山事業興
衰際英雄氣數間洞門七十二惟有白雲還

李燮宣

一擊空驚誤副車國仇未復且徐徐韓灰竟冷沙中鐵秦火
難燒圯上書學山澤耀聊辟穀與漁樵侶得安居參天紫柏
柴關路騎鶴歸來定不虛

雷壩廳足徵錄

卷二

詩徵

五

申奇猷

漢水秦山路轉采雷侯辟穀事傳疑迹高綺角人爭羨心痛
韓彭世莫知雲樹紅深雉鷓冷霜柑黃盡狙猿窺我來車轍
忘南北須信功成學子皮

昇寅

斌媚形容俊傑身英雄事業總翻新孝忠智勇足千古將相
神仙只一人辟穀菴前雲自駐授書橋下草長春功成則退
皆深曉誰似先生迺出塵

周樂

雲際叢祠躡屐尋得瞻遺像碧峯陰奮椎早禡祖龍魄辟穀
能安呂雉心仙覓赤松真落落山餘紫柏尚森森採芝四皓
歸何處一樣功成慮患深
帷幄奇謀借箸成一生未惹豎儒嗔何來父老教孺子竟使
英雄類婦人逐鹿關中原細事猶龍柱下是前身青田亦不
慙王佐進退終難步後塵

陶澍

一擊空驚誤副車道旁人已斷長蛇功成忽憶赤松子石隱
來餐黃柏花竟有前籌匡漢業那無片土屬韓家王孫亦是
雷壩廳足徵錄卷二 詩徵
先朝齋悔煞當年躡足差

六

楊芳

劍佩依然像設空誰從辟穀訊丹宮沿流露石長疑雨盡日
修篁不滿風同輩韓蕭推俊傑後來園綺識英雄偏憐帝佐
非常畧一擊銷沉博浪中

林則徐

除秦便了復仇心勇退非關慮患深博浪沙椎如早中十年
應已臥山林

偶憑道力領三軍天漢通靈壓楚氛燒斷衰斜千閣道羽衣

終占一山雲

漫將巾幗擬鬚眉
仙骨珊珊世豈知
賺煞英雄談面背
藏弓烹狗悔來遲

清泉瀉瀉竹娟娟
七十二峯青可憐
但借先生半弓地
不須辟穀也登仙

董新策

紫柏青青插漢邊
帝師高致此中傳
當時占盡人間福
學得封侯又學仙

橋頭去授陰符冊
山裏來從辟穀身
黃石赤松緣底事
始終雷壩廳足徵錄

卷二 詩徵

七

成就報韓人

韓仇已報漢功成
智士原看富貴輕
就使封畱長不退
未應受禍似韓彭

張問陶

數千年後訪遊踪
知在雲山第幾重
世亂奇書能早讀
功成仙骨不爭封
恩仇報盡尋黃石
戎馬歸來慕赤松
看遍漢家諸將相
斯人出沒幻如龍

封畱隨意了前緣
冠佩臨風尚儼然
像貌不妨疑婦女
英雄原稱作神仙
一傳除草君恩薄
雨漢開端相業全
幾卷道經

三尺凡白雲終日在祠前

蘇廷玉

路轉峯迴處雲深紫柏山英雄成佛早花竹與心閒石瘦宜
仙骨泉清鏡玉顏神龍時隱見秀絕在人寰

滅項興劉日風雲以類從懷才真將畧勇退是仙踪能忍師
黃石功成友赤松斯人如可作許我一携筇

多勸

五世韓仇復如君亦善藏果然真傑士不似假高王宦海功
名渡仙山日月長仰瞻丹竈處紫柏色蒼蒼

雷壩廳足徵錄

卷二

詩徵

八

郭尚先

漢初無詩書黃老開宗風蕭曹得其踪清淨有蒙畱侯得
其志掇弄豪傑如轉蓬功成長揖歸矯矯真猶龍赤松子黃
石公子虛烏有將毋同忽招雀圈驚而翁雲來雲去青天空
早令一椎祖龍死鮑魚西馳韓後起紛紛劉項何足齒此客
豈真韓彭比吁嗟乎滄海奇士不可求販繪屠狗皆通侯

李星沅

柴關一路躡雲頭偶訪棲真小寺幽入座名山有仙意畱題

老輩自風流

自注雲汀蓉峯兩先生均有題詩壁

烟霞供養三生福花竹蕭疎

六月秋曾爲愛書拜黃石幾時得伴赤松遊

羅繞典

祖龍敗後恩仇了功狗烹時名利輕孺子竟能成大業英雄
從此崇長生赤松黃石雲中侶紫柏青山世外盟非種未鋤
先辟穀薜蘿猶恐負簪纓

李湘葵

報韓原不爲封侯辟穀深心此暫畱緝畧何從黃石授功名
好託赤松遊春耕漢殿餘殘瓦秋草長陵起暮愁千古英雄
誰徹悟金戈鐵馬雪盈頭

畱壩廳足徵錄

卷二

詞徵

九

勞人到此漸忘機秀色蔥蘢欲染衣萬丈綠雲平地落一條
白練破林飛神仙舊事餘丹竈風雨靈祠傍翠微幽鳥亦知
塵網密冥冥高處逐斜暉

徐元潤

本是神仙伯曾爲帝者師報韓酬宿願佐漢定丕基粵贊雲
雷業陰參帷幄奇六韜兼虎豹三傑冠龍螭符命歸隆準么
麼笑類頌雄才資駕馭霸氣掃鳴噫莫以藏弓懼翻懷辟穀
疑名高輕雀錄道在薄鳴夷舊侶尋黃石新詞和紫芝崆峒
雲是駕姑射雪爲加冠劍畱殘劫林岑謁古祠神囂仍縹渺

曲澗故逶迤坡竹森龍氣壇花墜鶴枝壁紗籠澹墨階蘚沒
殘碑冉冉風塵暮堂歲月馳相尋滄海上一問赤松期

王志沂

紫柏遺踪已化煙尚雷祠宇在人前漢家三傑推君智辟穀
逃名卽是仙

博浪擊秦本爲韓功人功狗見才難功成只合抽身去得遂
初心意始安

再謁雷侯祠

張問陶

不礙生天事兵機卽道機爲人成大業許我遂初衣孺子今

雷壩廳足徵錄

卷二

詩徵

十

誰教仙才古亦稀青山來往熟相對更依依

雷侯廟道院題壁

春去花時誤天長客路遲雲山勝不借風雨嘆將離

自注五
月芍藥

尚開齋散鐘魚寂林空洞壑奇結茅真可託誰寄草堂資

紫柏山

雲籠紫柏山烟樹何濛濛岩洞七十二傳是精靈宮道人揖
我前指示誇神功羞堪悅狂瞽那得聰者聾造物無棄物人
事安可窮誰知龍鳳姿甘爲蟠螭蟲世人畏速化悲戀攢心
胸昧然去實境苦向虛無攻術盡身亦滅一散隨東風焉知

不死藥近植塵寰中靈異或時有庸鄙非所崇淮南古判王
雞犬皆升空豈茲冲妙石蠢動胥能蒙遙憐山谷民世外畱
孤踪足未入城府老瘦方雙瞳修短縱少異沉澗將毋同偉
哉張子房仙骨真英雄

李調元

仙風昨夜至吹我入雲影扶搖散林木縹緲上青冥手摘諸
星碎懷納明月炯翻身出叢谷遂下萬丈嶺高臺俯澄潭未
墮眞一倅古洞不可測頑石壓人頂昔有黃石公於此習清
景畱侯亦明哲急流退何猛遂令武陵源大道任馳騁我欲
畱壩聽足徵錄

卷二

詩徵

十一

從赤松却嫌未幽靜

聞紫柏山頂有峨眉老衲獨坐丈室數十年蛇虎皆馴
今九十有六矣惜不得其名字乃作頌古十絕句屬
鳳令寄之內子歲四月七日棧中畱壩驛燈下成

維摩詰

王士正

師利多言說淨名殊默然語言文字外已示祖師禪

須菩提

善哉須菩提巖間惟宴坐般若是誰聞諸天雨花墮

惠持

樹中入定僧千年人不識如何去陳畱一往無消息

道超

我愛道超禪絕俗耽憩寂退院聞無人蟋蟀鳴秋壁

寒山

寒山牛跡話此意誰酬酢趙州小厮兒宛有大人作

懶殘

煨火傍羣牛謫來幾千歲懶殘亦俗人誰能爲拭涕

地藏琛禪師

栽田博飯喫獨振元妙道一笑視諸方說禪方浩浩

雷壩廳足徵錄

卷二

詩徵

士

法昌遇禪師

法昌亦開鑪單丁惟一个賴有十八賢緘口圍鑪坐

黃龍晦堂禪師

山谷大辨才妙義皆糠粃滿院木犀香吾無隱乎爾

衰禪山僧

見冷齋
夜話

枕石漱溪流夢見歐陽子覺來萬壑風松聲滿人耳

紫柏山奉懷漢中太守嚴樂園先生

陶澍

紫柏山前勒馬過興元南望渺如何地形早扼三巴險奇氣
遙分二華多瀑布晴飛天外雨墨雲秋畫石邊螺使君按部

能來否絕壁題詩不用磨

柴關嶺

早發陳倉道馬蹄亂雲霧行行到柴關雲低雨傾注表徑中
槎枒幽篁四森布大石立當關勢如猛虎踞世無飛將軍磨
牙爾何怒蛟龍喜呢近氣奪生憂懼怪鳥時一啼聞聲不知
處黑江遠瀕洞萬瀑齊奔赴頃聞紫柏山仙踪所遊寓石髓
倘一逢白日生毛羽誰使野鶴姿麤氈墮籠箴眞宰不可問
更向蒼茫去

顧汝修

雷壩廳足徵錄

卷二 詩徵

三

曾聞幽險紀柴關虎嘯猿啼萬水間近喜火刀耕欲徧分明
露出武都山

李化楠

叢生古木隱峯巒積翠濃陰帶雨寒山色四圍環絕谷泉聲
半壁落飛湍穿雲但覺衣裳濕斜日偏憐步履難傳語兒曹
須記取天然可作畫圖看

錢載

綠樹兩峯間四十里不斷寒猶立夏後氣不侵晨散歷高漸
漸危轉曲層層緩千樹澗谷深萬樹匝巒滿并爲大嶺陰日

照勢無暖昔云虎之藪中或熊所館孤亭連理枝小歇極情
歛柴關以樹勝霜候他山罕丹黃楓榭交再過肯成嬾踰嶺
戍旂翻一松翠無伴嶺後八里長嶺前七里短

徐曰紀

柴關嶺上好停車一個涼亭傍店家借問主人何所有門前
清水待烹茶

李鑾宣

萬山立積鐵一重兩重掩威紆度柴關雲氣白霹靂欲雨猶
未雨歎歎變昏慘罡風扶崖鏹林木震而撼樹瘦怪憑穴湫
雷壩廳足徵錄

卷二

詩徵

十四

宵龍伏坎懸藤絡巨石危棧逼斜不儻從力孔疲攀躋歷崖
嶮首下尻或高足縮手仍攬喘吁不少息鼓勇服其敢下嶺
心旌搖入夜夢成魔

羅繞典

柴關誰設險兀兀散關西峽激青羊水天圍白馬尻髡山屯
戰騎破甕掃醯雞洵美

清時化功成息鼓鼙

雨度柴關嶺

王士正

棧中新張未歸槽百尺柴關水怒號鳥語不聞深箐黑馬蹄

直上亂雲高天垂洞壑蛟龍蟄秋老牙鬚虎豹豪誰識熏香
東省客戎衣斜壓赫連刀

柴關嶺雪

張問陶

落葉滿山隈千秋聳踈碎枝柯爭載雪鈎勒清如繪遲迴登
隴首關勢岢然對隆冬石氣威狼虎此中曾涼雲出能館飛
絮逐鴉背草白斷崖枯岳朋古泉瀆冰簾織叢木蒼鼠穴其
內好鳥暮相偎青翎掩朱喙憐茲六出花晶瑩乃無配集虛
自高潔附物見疵類下坡怯凍路健馬行迺退殼據鞍人
騎危足狼狽詩情灞上多險輿輸我輩奇境逗奇寒斯遊合
商壩廳足徵錄

卷二 詩徵

十五

稱最

題柴關嶺連理樹

理樹

青桐樹也一根挺雙柯直上二十尺許交枝連理復挺雙柯直上可四十

尺

錢載

枝峯蔓壑夏陰敷小立紅亭日未晡秦嶺蜀江人萬里一枝
連理見來無

張問陶

樹老猶連理人生慣獨遊鳥聲千澗接虎氣一山愁馬怒猿
獠避溪寒竹箭流饑春才幾日關月已如秋

松林驛雨中垂釣

岳禮

不期車馬衰斜路，忽愜平生山水情。
百折寒溪烟樹繞，一川秋雨釣綸輕。
偶來樵父如相識，飛過閒鷗似有盟。
曠色入林，郵舍晚瀟瀟，猶得夢魂清。

宿松林驛

張問陶

四山圍住月黃昏，猿鳥兒童聚一村。
燈逼氏羌疑鬼域，風騰牆壁鬪雞豚。
更無好夢來塵榻，惟有荒雲擁店門。
却憶去年今日事，瑤宮授簡拜新恩。

新恩

松林驛

陶澍

雷壩廳足徵錄

卷二

詩徵

七

去住渾無著，閒雲赴壑心。
野橋流水合，亂嶺夕陽深。
秋近蟬先覺，山空猿一吟。
何當謝塵鞅，石坐彈琴。

戴蘭芬

萬樹滿崖壑，人家住綠陰。
開門雲出屋，汲澗水鳴琴。
熙皞敦民俗，幽閒見道心。
買山吾有願，何日滌塵襟。

陳倉溝

羅繞典

鴻溝界未分，劉項笑關陳。
倉一綫溝，雲棧燒殘阻鴛鶴。
巖扉裂處湧貔貅，奇兵直擬裹瓊下。
餘燼都從破釜收，猿鳥祇今啼不斷。
尚疑烽火照林邱。

南星夜發

王士正

驟雨南星道秋陰草木風淵寒傷馬骨雲亂失疊叢僧憶公
孫帝危知大禹功中原何處所夢落散關東

宿南星

錢載

近在連雲寺邨亭得數間前來野羊水後擁廢邱關有夢成
無夢千山隔萬山老人隨所遇城遠濁醪慳

南星夜雪

張問陶

客衾乍如水門外雪花麤山東寒逾勁燈親夢自孤癡童眠
未穩征馬夜難蘇清絕殘宵景何人入畫圖

畱壩廳足徵錄

卷二

詩徵

七

再過南星

霜白凝山曉出門星一天狼烟千嶂外鴻爪七年前衰柳猶
秦鳳行人卽杜鵑嘉陵江水澗流影亦蕭然

重宿南星舊館

和亥白兄
壁間韻

青山曲裏聯吟處一樹長松未改柯舉酒覓君君萬里海雲
飛不到崖阿

路轉羣峯次第開更無人處有塵埃明年莫忘尋山約風雪

還須益馬來

雨發南星

昇士寅

雷雨萬峯巔南星夜未眠有山皆帶絮無樹不籠烟畱壩遺
村遠陳倉古道偏怒號泉不已使我緬前賢

王志沂

白入連雲橫雲山處處深人行惟鳥道鄉語雜變音霧重衣
常濕巖高晝易陰此行多勝賞何必畏秋霖

青羊鋪

水經注云卽古青羊關又名泮水

張問陶

暮問青羊關寒烟聚孤堡四山斧斤聲嘉樹賤於草板橋架
危石泮水一灣小黑鳥波底行毆魚殊了了杉雞雪後肥竹
兔霜前狡靈境讓樵人清輝自娛老

畱壩廳足徵錄

卷二

詩徵

六

李調元

忽聞介馬聲隔山馳驟至草木動鱗甲無風自恣肆須臾出
林缺乃見飛流駛汪汪青羊河澎湃一何恚如傾萬壑泉奮
激上人肯偏仄更懸崖似不容一騎石齒如劍鏗磨淬出廉
利猩笑狨又啼眇身欲何避斷橋不二尺造次恐失墜吁嗟
行路難坐定猶驚悸

戴蘭芬

緣崖十里陟坡陀下瞰青羊山曲河便是倪迂圖畫好山田
水色碧如螺

筍輿疑倒挽犖確萬峯巔路似螺亭轉人如馬磨旋崑花紅
泣雨澗草綠浮烟忽漏林間日山開一綫天

北棧深逾險西風曉漸寒霜清烏相樹石碎馬鞍山雲葉低
環嶺湍花怒打灘古來征戰地往事憶蕭韓

畫眉關南渡野羊水

王士正

四山封窳窳一水急波瀾巨壑蛟潛穩飛流馬渡難陰崖終
古悶白日幾時看惡竹縱橫甚還須斫萬竿

畫眉關

錢載

雷壩廳足徵錄

卷二

詩徵

五

山盤水曲闌干橫土石高高鑿口行後水轉爲前水出左山
趨與右山迎錢塘天竺寺遙辨鳳縣心紅峽近爭千里綠陰
春乍老畫眉關外畫眉聲

李燮宣

險絕陳倉道行人跋馬過窮崖高避鶻危棧曲盤陀白日又
欲匿青楓何處多峯峯修媻好誰寫石邊螺

陶澍

重關不放大溪流峭壁排空下石頭一綫忽開雲壑路半山
飛濺雪花毬離離隔澗聞鶯語隱隱層崖見鹿遊誰拔孱顏

天外去平看秋色度金牛

陳景初

花叢回顧黯魂消京兆匆匆去馬遙別後柔情亂飛絮不知
更替阿誰描

戴蘭芬

高峯劈破半天青曲折嵯峨過嶺行露滿蒼苔雲滿樹春山
一路書眉聲

李星沅

石溝流水送潺潺曉色隨人又入山奇句不來殘夢覺秋心
畱壩廳足徵錄

卷二 詩徵

三

只在畫眉關

羅繞典

峯回路轉水潺潺四望烟蘿抹遠山嗟破新晴催客騎畫眉
聲裏度巖關

將之簡池畱別畫眉關僧自禪

陳慶怡

分明山下是紅塵別有天機自在春他日畫眉關畔過老僧

還識舊詩人

小畱壩

秦蜀後記紫柏山以南石壁奇絕至小畱壩兩
壁夾澗徑忽斷絕從壁下徐得一潭如綫乃復

天公去通

陶澍

落日風聲恐懸崖路乍經人穿豺窟黑峯截馬頭青故鬼吹

燐火自注辛酉二月梁匪再學勝犯雷壩廳官軍死於此者甚衆山精避馱鈴沿溪新雨

過流響獨清冷

雨趨雷壩

王士正

急雨下烏龍千峯一綫通路遙洋水北天盡武關東峽逼風

雷氣人穿虎豹叢誰知星使節今夜托牛宮

雷壩

張問陶

澗底黃茆屋雲間白板扉田高冬水足自注山田無溉灌之利冬日多雪謂蓄冬

水樹冷夏蟲稀防虎弓常挽驚人鳥乍飛幾時真辟穀長與

雷壩廳足徵錄卷二詩徵

三

赤松歸

次雷壩遇沈太守清任

錢載

衰谷停驂晚濤賤出袖新論共諸險劇挈子一官貧京洛尊

前夜湖山夢裏春還朝定相待有幾白頭人

雷壩贈賀美恆司馬卽次陶文毅紫柏山東樂園先生

韻

李星沅

八載梁泉五度過故人如此客程何功名撫髀飛騰早時事

關心感慨多紫柏有香迎遠轡綠楊如畫試新螺又拚官閣

今宵醉春月當筵一鏡磨

畱壩道中見稻

羅繞曲

我本耕田夫戴笠湘山曲飯稻羹河魚江鄉習淳俗心悅粒
垂珠頤朶秔炊玉自從官長安冠冕苦拘束踈懶棄蘋蓼奔
忙逐華轂回首舊家山林烟隔空谷秋雨稼雲黃春風秧水
綠此事从契濶神馳在幽獨此行出都門沿途紛菽粟惟少
紅蓮稻難誇農足穀有如聽箏琶尚未聆豪竹何意過松林
佳境豁心目香葉舞翩翩稻花散芬馥粒重欲垂頭泥深猶
沒足行將築高廩秋成欣鼓腹嗟我牛馬走糊口營餽粥常
臨乞米書強竊代耕祿鉛槧果何功風塵何逐逐何時卜
畱壩廳足徵錄

卷二

詩徵

三

間穩占三間屋稼圃日瀟洒農晝夜披讀言師苦縣師知足
可無辱

畱壩道中見桑

古稱桑者閒樹依五畝宅矧茲阻巖疆鼠壤無閒隙不毛偶
拋荒夫里布誰責王政首躬桑雍岐有遺澤奈何蠶織休頽
俗尚難草近聞賢使君勸種加詳覈除害擬拔茶興利求衣
帛沃若藉人工森然疏地脈想見春風和綠陰遍阡陌鳴鳩
故故嘯桑女交催迫葉墜竹籃輕枝攀羅袖窄人簇蠶堆紅
翦紙蛾飛白繭成大如甕絲牽絡盈尺幼婦緝分黃公了裳

裁赤茆屋竹籬間
緯車聲絡繹竊比葛覃
詩澣濯服無斃嗟
我走風塵碌碌慙
縫掖願作廣大裘
難集千狐腋何日效綿
薄經緯手親擘
裁法絮以仁體和情悅
懌共慶春臺登庶免
祁寒阨怪他諸葛
公成都私八百

棧道山田

王志沂

山中有客民乃與造物爭利之所在何輕生懸崖峭壁事耜
耕有土卽可施犁鋤人力所至天無功我聞故老言思之令
人羨在昔山田未闢時處處烟籬皆奇幻伐木焚林數十年
山川頓使失真面山靈笑我來何遲我笑山靈較我癡神力
畱壩廳足徵錄

卷二

詩徵

三

不如人力好對景徘徊空嘆息

畱河六咏

陳慶怡

紫柏晴嵐

晴色排空際嵐光拂面堆
奇峯七十二面面白蓮開
仙子何年隱而今安在哉
蒼蒼嶺上松時有鶴歸來

西寺聞鐘

萬籟漸沉寂微聞西寺鐘
尋聲到古剎山頂多青松
老僧類枯木破衲松下縫
問客何處來門外白雲封

柴關連理

柴關有古椽春秋屢更易槎枒合復分老幹一爲二草木豈
無知盤錯必有異風來不化龍因篤連理誼

石峒觀魚

有樹山不禿無水山不幽石峒穀雨日中有游魚遊胡來魚
儻儻胡來水悠悠義理不可測幾欲問來由

青崖石壁

一石峭然立行人路若阻峭壁有虬松不知年幾許溪水清
且連六月堪避暑摩崖墨跡畱碧鏡青蓮處

自注長自岳觀
祭禮鑄碧鏡青

蓮四字

畱壩廳足徵錄

卷二

詩徵

孟

洋河夜漲

去郭二十里卽古青羊關炎夏五六月溪水漾潺潺會當夜
風吹濁浪拍如山爲拯逆旅憂舟楫濟時艱

度雞頭關連日歷舊閣道處

五首之二

錢載

武休關下水西北仇池通褒水太白來入與棧始終武關水
合之曲出石泉東斜谷水自北亦流於褒中諸山黃草山棧
左青叢叢連高復夾深岸峭憑於猗萬樹覆其上竊然清氣
充草樹有雜香書眉聲則同冷水又寒溪會褒南淝淝奈何
將出漢溝黑箕山童

連雲武關半已別臘魚潭武關既疎曠午景亦未炎逆流
緣峭岸曲水抱重嵐迭過馬鞍橋樹石前逾欣青龍寺躡蹠
青羊橋趁趨偏人無路處大山溪盡探去特攬未了歸來趣
稍諳雞頭關以北畫眉關以南褒中棧之勝樹石峯泉兼其
上褒谷頓又上斜谷峴南口達北口連連雲步參褒斜行未
遍聊以最勝拈

棧道雜詩

八首之一

汪灝

蜀奈分幾代雲棧久經年危險還終古蒼茫只一天陳倉空
蔓草紫柏亦荒烟覩破人問世浮雲盡可憐

西蜀廳足徵錄

卷二

詩徵

三

棧道紀行

二十首之三

李星沅

不見松林驛重陰慘淡時青羊奔浪驟紫柏累峯危毒霧蛇
飛恐叢林鬼嘯疑猶防泥滑滑冒雨陟嶽寄

歷落蠻鄉能柴關又嶺頭牛腰齊荷鐵人項半垂瘡露立香
龕佛風搖板屋秋誰憐左擔道多予有驛驢

生計甘饒薄流民漸劇荒巖疆分隴蜀種類雜氏羌豺虎聲
雖靜權符盜易藏拊循谷要術山北是邊牆

棧道平歌

宋顯琬

君不見梁山之谷褒與斜中有棧道千雲霄仰手可以捫參

井下臨長江浩汗洶波濤大禹胼胝恐未到帝遣五丁開神
臯巨靈運斧地維坼然後南通巴蜀西羌髻虵盤縈紆六百
里千迴萬曲緣秋毫懸車束馬弗克以徑度飛騰絕壁愁猿
孫漢家留侯真婦女烈火一炬嗟徒勞噫嘻三秦之人困征
戍軍書蠶午如蝟毛銜枚荷戈戟轉粟窮脂膏估客爾何來
萬里競錐刀須臾失足幾千仞猛虎螻螻恣貪饕出險灑酒
始相賀燐燐鬼火聞呼號泰運開尚書來恩如雨露威風雷
一呼集畚鍤再呼伐薪柴醇醑澆山萬夫發坐看蠓崖削盡
爲平埃噫嘻乎益烈山澤四千歲火攻莫救蒼生災昔也商
雷壩廳足徵錄

卷二

詩徵

美

旅魚貫行今也不憂狼與豺昔也單車不得上今也康莊之
途足以走連轡僂僂巴舞貢天府桃笙寶帟輸邛嶰歌幽風
擊土鼓賈父之來何晚哉豐功奕奕垂萬禩經濟不數韋臯
才中朝衮衣待公補瘡痍在手平泰階西望劍閣高崔嵬側
身欲往空徘徊大書深刻告來世蛟龍岌業磨青崖金穿石
涇陵谷徙我公之功不與伏波銅柱同塵埋

樓道行

王志沂

天公本好奇隨地闢異境蠶叢鳥道一千里滿目雲山皆佳
景憶自益門渡渭津青巒紅樹盡迎入灣環路向林間出畫

意詩情觸處新山勢忽開忽又高高低皆假人功驚崖曉壁
峭力難施絕處逢生開棧閣危檻縱橫數寸重凌虛斜插頰
神工人聲嘈雜驟綱網恍如飄渺行空中其間最高惟鳳嶺
曲徑通天無影誰云險徑不能開五丁關山力更猛心紅
邱壑最清幽野樹雜花俯亂流人家雞犬雲中出山畔樓臺
水際浮南去奇峯惟紫柏相傳本是仙靈宅留侯辟穀於此四圍紅
葉列如屏一痕峯影連天碧吁嗟乎蜀道之難難於上青天
千途萬徑盡危巔鳳縣以南昔險阻往往百里無人烟行人
多向成階走兩當故道青泥口此途重開自

雷壩廳足徵錄

卷二

詩徵

七

本朝煉石濬川原不久關內中丞說賈公巡方爲關豺虎叢
冠蓋往來成利涉青橋馬道盡成功我問漢水之北秦嶺之
南中有捷徑七日即可達長安安得此公重來蒞此土險處
一一施巨斧馬不縮足人不偃蹇幾功堪繼大禹

秦山破碎不成片雍水奔流急如箭懸空棧斷雲不連險路

條條抽鞮線非過陳倉山乃登大散關山危關險疊石鎖猿
猿欲度愁登攀上有磨天插漢之怪石下有飛花滾雪之危
灘心驚目眩手無箸盤盤百轉凌烟齋舉趾二分勢垂外回

頃一顧神俱寒我聞武功太白去天尚不止三百胡爲蜀道
更比青天難况復昨宵雲陡散千峯雨雨聲風聲並水聲山
谷沈羶共吞吐千夫萬夫阻登陟一步一跌紛齟齬筍輿化
作百足蟲蠟屐疑生兩端鼠安得傳天翼凌風忽翽舉萬里
關山無所阻不然漢王燒已絕韓侯修未終遠道驚魄有李
白巴賓欲達無唐蒙千年陵谷忽變換使我欲進不可欲退
不可心忡忡誰能剗却秦關與蜀峽平鋪原隰青濛濛書生
兀兀搖鞭去紅日鉦懸破天曙馬蹄蹴踏萬峯平不須更叱

王尊馭

雷壩廳足徵錄

卷二 詩徵

天

王尊馭
黑河吟

嚴如煜

沮源導紫柏池荷屈上游迤邐鞍橋口奔騰紅椿溝繚曲往
而復山斷水仍流林泉灑百道龍穴滙幾湫滄渟涵衆壑黝
黯異清瀏磷磷堆頑石湍激不容舟棹嶺九台子嵐光東南
浮太陽峙西北黑松環白樓叢叢鳳興沔磅礴三雄州跨越
徽兩當仇池當上頭四望幾由旬連峯玉筍抽盤折青泥路
十步九延休脚底雲瀆湧眼前刺紛糾呀嵌洞壑涼風夏
颼颼幽篁巢螻蟻古幹蟠螭虬柵居雜吳語板屋半楚咻氣
寒地磽确稻黍種不收苦蕎紫洋芋清風望有秋以此僑徙

人不盡力田疇鐵鑪排光化礦石紅於柵斧斤縱棧壩材木
堆山邱徒匠累千百升斗各爲謀共墾老林荒此地爲黔婁
工停無他業頻同懸贅瘠地有大牙錯盜難越境鉤往者伏
榛莽數載勞爬搜吟呻病爲患曠眩疾始瘳勒馬經三度木
鐸徇以逾龐吹幸漸靜村落不鳴桴松栢詎易兌五馬不能
留鳴琴譚治理牖戶切綢繆安得衰盾日常此照陰幽

甯壩廳足徵錄

卷二

詩徵

无

雷壩廳足徵錄卷三

善化賀仲城美恆輯

事徵

唐

嚴震字遐聞梓州鹽亭人山南西道節度府表為鳳州刺史
毋喪解起為興鳳兩州團練使進封郡國公治鳳十四年號
稱清嚴遠邇咨美遷山南西道節度使朱泚反遣穆延光遺
書誘之震即斬以聞時奉天危蹙帝欲徙蹕山南震馳表奉
迎既至梁州宰相以為地貧無所仰給請幸成都震曰山南

雷壩廳足徵錄

卷三

事徵

一

密邇畿輔李晟銳於收復方籍六師為聲援今引而西則諸
將顧望責功無期會晟表至亦請駐蹕梁洋議遂定然梁漢
雖領十五郡賦入纔比東方數十縣自安史後山賊剽掠戶
口流散震隨宜勸課鳩斂有法民不煩擾而行在供億具焉
車駕將還加檢校尚書左僕射詔改梁州為興元府即用震
為尹久之進同中書門下平章事卒諡忠穆

唐書本傳

呂日將乾元元年為鳳州刺史嘗敗党項羌於三嗟谷

馬志

蕭洩上元二年為鳳州刺史奴刺党項羌來寇洩死之

馬志

五代

王環鎮州真定人晉開運之亂秦鳳階成入於蜀孟昶以環
爲鳳州節度使周世宗遣王景向訓攻秦鳳數爲環所敗世
宗乃決意攻之秦成階相繼降環獨堅守百餘日然後克之
世宗名見環嘆曰三州已降環獨堅守吾數以書招之環不
答至力屈乃就擒雖不能死亦忠其所事也用之可勸事君
者乃拜環右驍衛將軍

五代史本傳

宋

張暉幽州大城人建隆二年朝議伐蜀暉遷鳳州團練使兼
緣邊巡檢壕砦橋道使盡得山川險易密疏陳之太祖大悅
雷壩廳足徵錄

卷三 事徵

二

乾德四年大軍西下暉督兵開大散關路躬撫士卒且役且

戰民忘其勞

宋史本傳

程德元字富錫榮澤人善醫術淳化中李順寇蜀以德元知

鳳州兼領鳳城等州兵馬事有戰功

賈志

楊緯字文叔濟州任城人以皇祐五年明經中第徙鳳州梁
泉縣令教民以孝弟力田爲先守史千之不知其能嘗薦其
錄事參軍張草等數人草呼同列詣千之言梁泉循吏而公
不薦草等以爲愧千之踧踖曰吾過矣吾過矣因並薦之

雜助

集

程昞字伯温河南人知鳳州事鳳當川蜀之衝輅傳勞午饗
譽易得爲守者相承務豐廚傳至更多至破產公裁減幾半
曰是足以爲禮未爲薄也曹漢中不稔饑民自裒斜山谷而
出公教於路口爲糜粥以待之所濟甚衆

伊川文集
太中家傳

郭浩字克道隴千人紹興元年金人破饒風嶺盜梁洋入鳳
州攻和尚原浩與吳玠往援斬獲萬計

宋史
本傳

楊政字直夫原州臨涇人建炎間從吳玠擊金人九戰九捷

紹興元年金人趨和尚原攻箭筈關政引兵大破之十月金
兵十萬自寶雞列柵王原下吳玠以政統領將兵擊之獲萬

畱壩廳足徵錄

卷三

事徵

三

戶首領三百餘人甲士八百六十人二年升隴州團練使選

知鳳州

宋史
本傳

吳玠字晉卿隴千人紹興三年撒離喝入興元未幾北歸玠
遣兵邀擊於武休關掩擊其後墮淵死者以千計盡棄輜重
去四年四月復秦鳳隴三州玠與敵對壘且十年常苦遠餉
勞民屢汰冗員節浮費益治屯田歲收至十萬斛

宋史
本傳

劉子羽字彥修崇安人張浚宣撫川陝辟子羽參議軍事當
平戰不利浚移治閬州子羽請獨畱河池調護諸將以通內
外聲援許之明年吳玠以秦鳳經畧使戍河池王彥以金均

房鎮撫使戍金州二鎮高饑與元帥出用糧二鎮病之

皆願得子羽守漢中後示制拜子羽和州經歷

府子羽至漢中通商輸粟二鎮遂安水史

吳璘字唐卿隴千人紹興十年擢醴陵人長安趨鳳翔璘隨

胡世將在河池遣姚仲拒於石壁若思之志

明

趙貞吉字孟靜內江人嘉靖十四年進士擢左諭德兼監察

御史奉勅宣諭諸軍給白金五萬兩聽隨宜勞賞明史奏免

鳳縣雜徭清查畱侯廟地畝今廟內有歸山詞碑

畱壩廳足徵錄 卷三 事徵 四

楊茂齡保定清苑人崇禎元年任鳳縣蠲免畱侯祠雜徭廟碑

胡上進北直藁城人以明經知鳳縣清介有守以憂去復補

鳳縣未幾賊笑至全家遇害撫按題哀賈志

吉永祚輝縣人鳳縣主簿七年四月已謝事將歸賊至知縣

棄城遁或勸之去不可乃倡義拒守力屈城陷北面再拜曰

臣雖小吏既食君祿不敢以謝事逃死見賊大罵被殺二子

士樞士模皆死教諭李之蔚鄉紳魏炳俱不屈死續表

崇禎七年春流賊破鳳縣入四川四月賊復入陝已卯陷鳳

縣洪承疇檄副將賀人龍等兵三千赴藍田夾擊及兩當鳳

縣連陷賊分道一向邊方一向漢中知府勵棧道守雞頭關
賊不得前開道犯城固洋縣官兵擊却之通志

國朝

賈漢復字膠侯滿洲籍曲沃人總制川陝康熙三年秋巡視
漢南靚雲棧崎嶇乃自煎茶坪抵雞頭關剗險披隘盡成坦

途通志

王進寶甘肅靖遠人固原提督康熙十八年與提督趙良棟
等分兵四路規復漢中進寶偕總兵費雅達由棧道進先長
奏請令子用子率兵往勦俾練習戰陣

雷壩廳足徵錄

卷三

事徵

五

上允其奏授用子副將至是從征寶雞進寶遣用子擊賊紅
花鋪大敗之復鳳縣兩當縣進軍武關令用子率偏師繞出
關後而自以大軍當其前賊腹背受敵皆潰走擒偽將總兵
羅朝璉等奪雞頭關直抵漢中復遣兵躡擊王屏藩於廣元
賊眾奔竄遂盡復漢中地國史本傳

庚午夏長山李斯佺以茂州知州入爲員外郎言奮威將軍
王進寶武關之戰身率士卒所向無前轉戰直抵保寧王屏
藩縊死其麾下大將尚數十人已約降猶據城觀望進寶免
胄劫甲盡屏左右單騎馳入大呼曰我仁義將軍也降者待

以不死賊將卒皆羅拜歸命乃直入偽帥府解屏藩之懸而
哭之賊大喜過望遂定閩中漢羌川蜀稱進寶爲仁義將軍
敵賊聞之皆悅服云居易錄

滕天綬奉天遼陽人康熙中官漢中府知府諳練精敏雅意
修復建畱侯祠畱侯黃石公赤松子

葛思泰滿洲人康熙二十八年總制川陝兼都御史巡視漢

南祛宿弊息刁訟綱紀貞肅因念雲棧險危首捐全俸益移

會三省撫提倡率鎮司道府各捐已俸修成坦途府志

按府志又載郭大司馬康熙二十八年踵賈漢復跡復修

雷壩廳足徵錄 卷三 事徵 六

棧道衰城縣志謂卽葛思泰府志誤稱郭大司馬故不載

鄂弼滿洲鑲藍旗人乾隆二十七年巡撫陝西二十八年五

月疏言臣上年奏請興修鳳翔漢中通川棧道今查閱營伍

順道詳勘自寶雞大散關至岷羌州與川省交界之七盤關

止各工俱屆完竣但將來難免日久損壞請撥經費餘息銀

一萬兩交南鄭十二州縣管運生息貯府庫責成漢興道總

理隨傾隨修彙奏核銷如應大加修治確估奏明動工從之

國史本傳

嘉慶四年四月十九日賊目張漢潮掠江口先使趙勝偽爲

棉花賈探知城中無兵乃率匪至時城中有西安壯丁三百
人大帥令以守城者突聞賊至皆洶洶欲逃同知齊默頓司
獄黃定一復糾集之益率民勇戰於舊城外堡子山沙堡子
等處不克皆被害賊掠城中二十一日轉掠而西任南星二
十二日至廢邱關

查馬五冉學勝張世龍等賊匪昨經楊遇春帶兵痛殲現由
鞍子溝向南緊躡追勤徐天德一股自恒瑞在全河口勤潰
後該匪翻星子山逃遁恒瑞現由巴林一帶截擊其伍懷志
餘匪竄過雷壩之蒿壩河有向江口及二郎壩奔逃之勢阿

雷壩廳足徵錄 卷三 事徵

哈保穆克登布現在併力合勤兩當鳳縣之間尚有零星一
小股有總兵觀祥副將游棟雲在彼追勤此近日陝境之情
形也 嘉慶五年十月初七日署 巡撫慶長自西鄉縣奏

嘉慶五年正月十九日袁城 一百里進 連雲棧 二十日馬道驛二十

一日 九十里 雷壩廳二十二日 一百里 南星二十三日 九十里 鳳縣

三月二十四日橫過廢邱關棧道東淮山九十里大樹壩

六月初五日馬道驛初六日雷壩初七日高橋鋪初八九

日任初十日廢邱關十一二三日任十四日楊家店 八月

十七日楊家店十八九日任二十日廢邱關二十一日雷壩

二十二日馬道驛 六年三月二十五日馬道驛二十六日

武關驛二十七日留壩二十八日南星額威勇公行營日誌

六年三月初九日賊自冉學勝至蒿壩河欲攻江口時有羅

某失其銜名後官因率鄉勇守江口聞賊至豎旂幟於壩前

後賊疑有伏乃轉掠玉皇廟而東初十日甘涼鎮總兵楊某

領兵數千來援前隊千總李某率兵數百名先至遇賊於柳

川溝戰於官山子不克死之既而大隊至賊已至下南河總

兵偕同知汪銓率兵追之十三日遇於城固縣之小河口與

戰不利汪銓爲賊虜不屈死賊掠糧去總兵退守廳城十四

日賊至下南河十五日掠江口十七日至紅崖河任三日始

由假山嶺溝至鳳縣兩當滋擾甘肅至四月二十一日賊復

掠江口由下南河沙嶺子桅杆石入城固界

十一年七月寧陝叛兵王麻子卽王順帶匪擾江口時城內

遊匪向貴糾約兵丁爲內應城破殺署遊擊田得擄掠城中

殆盡欲來廳城以紫金河水漲不果是役也兵丁從賊者江

口營六十八人桅杆石汛二十五人平坎汛二人九月向貴

伏誅猶有五十人復投順歸伍旋以換防皆卒於西域

陝省苟文興等現竄華陽留壩等處戕害官民人數約有二

千餘名騎馬者二百餘人

十一年八月朔日巡撫方維甸奏

臣因賊匪賊竄之處可通安河進口關一帶入棧之路甚多
臣督同薛大烈豐紳溫春趕抵方柴關與札克塔爾楊遇春
等會合卽令札克塔爾楊遇春楊芳共爲一路由兩河緊躡
窮追臣同薛大烈等由進口關遏截緊顧西北竄甘之路卽
知會倭什布特清額派兵於鳳縣圭崖寺一帶設伏扼賊入
棧之路屯土官兵已行至哀城雷壩一帶臣卽令桑吉斯塔
爾管帶扼賊西竄黑河之路兵分四路近賊處皆碁布星羅
賊匪探知四處有兵不能遠竄卽在白蟒寺空觀子一帶屯
雷壩廳足徵錄

卷三

事徵

九

茶二十四日札克塔爾楊遇春楊芳之兵趕到該匪尚欲迎
敵適薛大烈豐紳溫春帶領前隊勁兵繼至該匪震懾軍威
賊首蒲大芳王文龍等率領多人至陣前拋棄兵仗環跪痛
哭乞命惟首逆陳遠順陳先倫尚在後隊督戰官兵仍施放
弓箭鎗炮蒲大芳等遂請奔回賊營將陳遠順陳先倫金江
口營之賊首向貴一併縛送大營蒲大芳王文龍劉月
盛苟文興等大小賊目二十餘人同來哭求饒命卽稱願將
投順叛賊命隨同滋事遊匪及褻脅百姓共計四千餘人分
起屯茶聽候查辦等因經臣訊明卽將起事主謀首逆陳遠

順陳先倫兪首先糾約叛匪之江口遊棍向貴等三名擄割
處死傳首各地方營縣正在查辦間有隨賊遊匪益洋縣等
處監犯及軍流等一千數百人於二十五日半夜拔營逃赴
雷壩江口經楊芳告請馳往截回蒲大芳等亦跪求跟往二
十六日楊芳帶兵並賊目二十餘人緊蹙兜勦札克塔爾楊
遇春薛大烈豐紳溫春接續馳至江口該匪正欲南竄經楊
芳等截住詢出起意逃竄之朱有貴李得吳大才唐倬周得
五名用矛戮斃夥匪畏懼停紮蒲大芳等情願派出數人將
叛賊遊匪及破裊難民分別造冊呈送核辦當令楊芳帶兵
雷壩廳足徵錄

卷三

事徵

十

於該處彈壓臣督同薛大烈溫春蘇勒芳阿兪各鎮將等在
西江口一帶駐紮距賊僅十餘里倭什布特清額帶兵一千
餘名移駐鳳縣三岔驛桑吉斯塔爾帶土兵二千名駐劄雷
壩皆與賊屯相近俟該匪呈送冊籍到營臣密察情形隨機
辦理總期萬分慎重斷不敢將就了事亦不敢過事苛求俟
分別辦明再行陳奏

十一年九月二十八日德繼勇侯奏

方維甸字葆岩安徽桐城人巡撫陝西嘉慶十一年奏請移
建城垣倉庫衙署移營制設兵房

廖承鉗妻陳氏嘉慶十三年一乳三男奉文給育米帛

府志

嘉慶十八年岐山廂匪煽氛蔓延漢川郿縣十九年吳抓抓股匪由洋縣城固出褒城馬道攻陷鐵鑪川壘城轉掠黑河而南寨至數千

府志 按此必山籠境

十八年十二月三才峽廂匪傅老八楊二等五人率眾數百至王家壩破太平寨紅崖河破吳仁寨戕害民人肆行焚掠巡撫朱勳谷署西安鎮總兵達凌阿率兵四百由鄂縣之八里坪陝安鎮總兵吳廷剛率兵一千由西河口兩路會剿遇賊於袁家庄殺賊甚眾二十日賊擾太白河十九年正月

初四日賊竄廳境破兩合寨駐礮口石初七日竄鳳縣鐵鑪

出壩廳足徵錄

卷三 事徵

十一

川畏脅鐵版五百餘人賊勢復熾分隊滋擾股匪龔貴擾柔木欄同知任奎光率兵勇堵禦賊不敢犯數日乃西掠大壩

溝尤化山復北至玉皇廟過江口時寧陝鎮總兵楊芳率兵

由寇家關踵至江口對岸之老庄壩有鄉勇張貴

門川通江人後得回

原營程制外委在任一年論病去請往戰芳問民勇幾何對曰敢死士十八

人芳壯而遣之至桑園壩賊方四出焚掠貴率十八人登山

大呼賊眾始集見貴等疑有伏不敢偏會芳引兵繼至與戰

斬獲無算賊眾潰走

嚴如煜字樂圃湖南溆浦人嘉慶間官陝中知府道光初遷

陝東道以明家學校為先務其他善政不可枚舉當兵發南
靖之後諸無賴亦佔兩侯廟地畝如燬按明趙文肅公碑載
基址清查丈量復歸於廟

雷雷廳足徵錄

卷三 事徵



三

基址清查丈量復歸於廟

雷雷廳足徵錄
卷三 事徵
雷雷廳足徵錄
卷三 事徵
雷雷廳足徵錄
卷三 事徵

異徵

唐鳳州東谷有山人強紳妙於戒尤積靈氣屬王氏初併秦鳳張黃於通衢強公指而謂孫光憲曰更十年天子數員又曰並汾而來悠悠梁蜀後何爲哉於是蜀兵初攻岐山謂其旦夕屠之強曰秦王久思妄動非四海之至雖然死於囑下乃其分也蜀人終不能尅秦而秦川亦成邱墟矣爾後大鹵與王鳳翔不羈秦王令終王氏絕祚果叶強生言有鹿盧蹄

雷壩廳足徵錄

卷四

異徵

術自云老夫耄矣無人可傳其書藏在深隱處古杉樹中因與孫光憲偕詣開樹皮發蠟緘取出一通絹書選吉辰以授爲強嫗止之謂孫少年人慮致發狂俾服膺三年方議可否

北夢

瑣言

抱一鳳州人嘗遇一老人篋中取物餌之狀如蘆菔又與之小瓢中有粟如綠豆戒曰遇有疾者施之自是絕粒真宗召

見賜名抱一府志

開元初有巴人好伐樹作板一日百餘輩自襄中出至太白廟前松柏百餘株各大小數十數圍羣巴見之盡伐至二十餘株

忽一老人拄杖至前曰此神樹不宜伐羣巴不聽老人曰我
太白山神也亦不聽又曰不止且有禍當俱死無益也羣巴
益不輟作老人登山呼斑子俄數虎踵至噬巴人殆盡僅餘
五六人老人曰以汝心善故耳宜速去其倒樹至天寶末猶
存廣異記

王蜀時修斜谷閣道鳳州衙將白公掌其事至武休潭今武關

見一婦人浮水而來意其溺者命僕扶至岸濱忽化爲大蛇
沒於潭中白公以爲不祥因而致病愚謂岑參招北客賦云
瞿塘之東下有千歲老蛟化爲婦人炫服靚妝遊於水濱白

齒場廳足徵錄 卷四 異微 二

公間之方悟蛟也厥疾尋瘳北夢瑣言

父子崖神在縣東北二十里周地圖記云有大小石若相懷

抱因名爲父子崖其下置神祠歲終則集境內於此亭祭之

水旱亦祈之太平寰宇記

按此石應在紫柏山西以紫柏山在梁泉縣東八十餘里
此石在縣東北二十里也今失其處

李宗唐南鄭邑庠生舌耕糊口雖風雨亦不推諉人曰先生
苦矣曰盡吾分耳死後爲畱壩高橋鋪土神以夢示人曰吾
府城李先生也肯面告我家乎夢者以貧無路費對先生曰

某處王中有制錢五百掘出足矣既而果然土人且曰神偶
兩人語曰我能作文何不爲我書之其靈異如此矣西秋有
南鄭士過此至神前馬不進士曰先生欲與故鄉人相見耶
馬乃行遂口占一律紀其事

漢中紀聞

潘道人學道於峩眉山乾隆中與其徒雲遊嘗來往紫柏山
一日至代安謂其徒曰吾明日午時當死吾囊中二十八金
汝以四金置棺二十四金作輿櫬資葬我於廟臺子之碑亭
寺汝爲不負矣及卒皆如所言其徒至雷侯廟有道人謂之
曰吾知汝師固未死及啓視惟冠屨而已徒乃大痛忽有人

雷壩廳足徵錄

卷四

異徵

三

致書來視之乃師書速其赴代安至則師謂曰道友洩吾機
汝緣未盡也汝須助修雷侯廟十年後於某月日晤汝於光
化山至期往則大雪彌嶺日將晚無行人惟一乞丐而蹙者
踉蹌而過徒忽憶爲師迹之已杳

趙某失其名江南配軍有異術善走人皆呼爲千里馬初至
嘗出夜竊亦不多取足供數日食而已後事發官繫之而竊
如故署同知李某奇其能籍爲役事急必使使必期以時而
千里馬恒先期至一日隨至郡城有急需遣之歸千里馬往
返以一夜由是益奇之嘉慶四年鳳邠道王某督糧至大灘

題雷壩廳壁上 七律四章 己巳春仲

懋溪 趙惕谷

莫嫌官小莫嫌窮，祇要勤慎乃躬兵。
燹燒殘廬舍，盡早澆頻。至
至死亡恫，充盈積蓄原資守。
固小城垣，不畏攻問，說伊誰司管。
論官逃賊轉蕩然空。

莫厭官窮莫厭煩，操持利器待盤根。
安民爲本欽公埃，展驥呈材仰士元。
秉燭燃鬚動批牘，登樓畫策屢搗樽。
流亡未復瘡痍甚，澤物何時更洗冤。

莫說官煩便覺疲，輪軒有日采風詩。
欲振斯文興學校，曾陳此意到台司。
當差少婦供肩負，每聽樵歌帶怨咨。
予惠元元培正業，農桑勸課免寒飢。

雷壩廳志

卷四

五

莫說官疲因事衝，千年雲棧挽梁雍。
崎嶇不憚頻來往，驟馬難辭重服從。
最是關心民務亟，休愁飛報羽書憧。
賢勞自古都如此，坐對公堂愧靖共。

遊柴柏山謁雷侯廟

七律四章 己巳三月二十五日

未到喬溪尋釣蹟，先聳雷壩拜雷侯。
素書一卷精兵畧，赤漢五年定帝猷。
臥幄運籌能決勝，辭榮辟穀慕清修。
功成克享安閒福，可惜王孫不早休。

鴻門燕舞漢王歸，劉項興亡此見幾。
天投沛公膺歷數，臣從問道依禳暉。
方欣讀此師王者，豈爲知音貴我希。
業婉伊周羞管樂，遊仙特闢一風徽。

紫柏山高會有期，赤松何處覓。追隨知機早，定繙書日解。佩難
為拜帝時，相國勲名原不朽。神仙寄託抑何奇，少年俠氣歸精
鍊。圮上於今話履遺。

白髮老人端拱坐，英年孺子侍師尊。當時未竟元機妙，此後申
傳面命言。幾陣松風清永晝，三更竹月靜高軒。抗懷往古神仙
境，得訪幽人眾妙門。

再謁雷侯廟有感而作二律 八月初五日

三王始祖悉虞臣，佐命元勳係聖人。烈山火燄咸陽熄，唐帝苗
裔大漢禪。不有仙翁來指授，誰教相國迅機神。出師二表承謨
訓，似遜先生物外身。

雷壩廳志

卷四

六

仇恩兩報總無心，輔漢開基早勝任。四海已歸新景命，三生白
有舊知音。文章禮樂瞻奎聚，知勇功名等夕沉。買董才華生也
晚，審時觀運合抽簪。

紫柏山歸山詞 用文肅公元韻 代序 元日

念切榛苓歷棧道，七盤高從客飛鳥。行年七十不知老，六千里
外遊山好。雞頭書眉聲未了，尋訪神仙惜不早。君不見紫柏山
下竹雲深，掃却塵緣萬慮沉。

